

南部新书

[宋]钱谦益撰

黄寿成校点

本书说明

《南部新书》十卷，北宋钱易撰。钱易字希白，吴越王钱□之子，北宋真宗朝官至翰林学士。这书是真宗大中祥符年间所撰写的，卷首有嘉祐元年钱易之子钱明逸写的序。

这书记述的范围较广，大体有：(员)唐代政治制度和官场典故；(圆)状、敕、令、式等公文和法律文书；(猿)人物事迹；(源)以及音乐百戏、节庆风俗、衣食器物等琐屑杂事。对了解唐代社会政治都有用处。

这次校点用清嘉庆时张海鹏校刻的《学津讨原》本作底本，用清咸丰时伍崇曜刊刻的《粤雅堂丛书》本（校勘记中简称伍）对校。

本书由陕西师范大学历史系黄寿成校点整理。

【目录】

序 轶

甲 轶

乙 轶

丙 轶

丁 轶

戊 轶

己 轶

庚 轶

辛 轶

壬 轶

癸 轶

摇

校勘记 轶

序

先君尚书 ,在章圣朝祥符中 ,以度支员外郎直集贤院 ,宰开封。民事多闲 ,潜心国史。博闻强记 ,研深覃精。至于前言往行 ,孜孜念虑 ,尝如不及。得一善事 ,疏于方册 ,旷日持久 ,乃成编轴 ,命曰《南部新书》。凡三万五千言 ,事实千 ,成编五 ,列卷十。其间所纪 ,则无远近耳目所不接熟者 ,事无纤巨善恶足为鉴诫者 ,忠鯁孝义可以劝臣子 ,因果报应可以警愚俗 ,典章仪式可以识国体 ,风谊廉让可以励节概。机辩敏悟 ,怪奇迥特 ,亦所以志难知而广多闻。《尔雅》为六艺钤键 ,而采谣志 ,考方语。周诗形四方 ,风雅比兴 ,多虫鱼草木之类。小子不肖 ,叨继科目 ,尝践世宦 ,假字宫钥 ,浚涸事休 ,阅绎家集。因以《新书》次为门类 ,缮写净本 ,致于乡曲 ,以图刊镂。昔班氏家有赐书而擅史学 ,王涯之以左右旧事緘于青箱 ,卒用名代 ,敢跂而及 ,聊緝先志云。子翰林侍读学士钱明逸序。

嘉祐元年十一月十二日

南部新书甲

宋钱易摇希白撰

自武德至长安四月已前 ,尚书左右仆射并是正宰相。初豆卢钦望拜左仆射 ,不言同中书门下三品 ,不敢参议朝政。数日后 ,始有诏加知军国重事。至景云二年 ,韦安石除仆射 ,不带同三品 ,自后空除仆射 ,不是宰相 ,遂为故事。至德二年 ,宰相直主政事笔 ,每人知十日。至贞元十年 ,又分每人轮一日执笔。

尚书诸厅 ,历者有壁记 ,入相则以朱点之。元和后 ,惟膳部厅持国柄者最多 ,时省中谓之“朱点厅”。

韦夏卿与弟正卿 ,大历中同日登制科 ,皆曰 :“今日盛事 ,全归二难之手。”

韩昆 ,大历中为制科第三等敕头 ,代皇异之。诏下日 ,坐以采舆翠笼 ,一作龙。命近臣持采仗鞭 ,厚锡缙帛 ,以示殊泽。

常袞自礼部侍郎入相 ,时潘炎为舍人引麻 ,因戏之曰 :“留取破麻鞋著。”及袞视事 ,不浹旬果除。

凌烟阁在西内三清殿侧 ,画皆北面^①。阁中有中隔 ,隔内面北写功高宰辅 ,南面写功高侯王 ,隔外面次第功臣。

证圣元年正月 ,明堂灾 ,重造天册万岁殿。二年三月成 ,号为通天宫。

项斯始未为闻人 ,因以卷谒江西杨敬之。杨甚爱之^② ,赠诗云 :“几度见诗诗尽好^③ ,及观标格过于诗。平生不解藏人善 ,到处逢人说项斯。”未几诗达长安 ,斯明年登上第。

上元中 ,长安东内始置延英殿 ,每侍臣赐对 ,则左右悉去。

故直言说议 , 尽得上达。

李听为羽林将军 , 有名马。穆皇在东宫 , 讽听献之 , 听以总兵不从。及即位 , 太原拟帅皆不允 , 谓宰臣曰 : “李听为羽林将军 , 不与朕马 , 是必可任。”遂降制。

开元御札云 : “朕之兄弟 , 惟有五人 , 比为方伯 , 岁一朝见。虽载崇藩屏 , 而有睽谈笑 , 是以辍牧人而各守京职。每听政之后 , 延入宫中 , 申友于之志 , 咏常棣之诗 , 邕邕如 , 怡怡如 , 展天伦之爱也。

祠部 , 省中谓之 “冰去。厅 ” , 言其清且冷也。

尚书省东南向阳通衢 , 有小桥 , 相承曰 “拗项桥 ”。言御史及殿中久次者 , 至此必拗项而望南宫也。

都堂南门道东有古槐 , 垂阴至广。或夜闻丝竹之音 , 则省中有入相者 , 俗谓之 “音声树 ”。

二十四司印 , 故事悉纳直厅。每郎官交印时 , 吏人悬之于臂以相授 , 颇觉为繁。杨虔州虞卿任吏部员外郎 , 始置匱加□以贮之 , 人以为便 , 至今不改。

始无笏囊 , 皆□笏于马上。张曲江清瘦不任 , 乃置笏囊。

秘书省内落星石 , 薛稷画鹤 , 贺知章草书 , 郎令馀画凤 , 相传号为 “四绝 ”。元和中 , 韩公武为校书郎 , 挟弹中鹤一眼 , 时人乃谓之 “五绝 ”。又省之东即右威卫 , 荒秽摧毁 , 其大厅逼校正院 , 南对御史台。有人嘲之曰 : “门缘御史塞 , 厅被校书侵。”

曹礻、杨收、徐商、路岩 , 同秉政 , 外有嘲之曰 : “礻礻无馀事 , 钱财□被收 , 商人都不管 , 货路几时休 ?”

李林甫寡薄 , 中表有诞子者 , 以书贺之云 : “知有弄獐之庆。”

郑注镇凤翔 , 皆择贞正之士 , 以为幕席 , 亦欲遏其邪行。及注败 , 皆为监军所诛。

温大雅 , 武德中为黄门侍郎 , 弟彦博为中书侍郎。高祖曰 :

“我起义晋阳，为卿一门耳。”后弟大有又除中书侍郎。“大有”一作“彦博”。

中书省有盘石，初薛道衡为内史侍郎，常踞其石草诏。后孙元超每见此石，未尝不泫然。

施肩吾与赵嘏同年，不睦。嘏旧失一目，以假珠代其精，故施嘲之曰：“二十九人同及第，五十七只看花。”元和十五年也。

女道士鱼玄机，住咸宜观，攻篇什。杀婢绿翘，甚切害，事败弃市。

崔四八即慎由之子，小名缙郎。天下呼油为麻膏，故谓之“麻膏相公”。

开元中，岐、薛以下轮日载笔于乘舆前，作内起居注，四季朱印联名牒送史馆。至天宝十载季冬，已成三百卷。率以五十幅黄麻为一编，雕檀轴紫凤绫表，遂别起大阁贮之。逆胡陷西京，先以火千炬焚是阁，移时灰灭，故实录百不叙及一二。

小许公从工部侍郎除中书舍人，一本作“侍郎”。便供政事食，明日加知制诰。一本重“制诰”二字。舍人有政事食，自此为始。

太和中，上自延英退，独召柳公权对。上不悦曰：“今日一场大奇也。嗣复、李珣道张讽是奇才，请与近密官。郑覃、夷行即云是奸邪，须斥之于岭外。教我如何即是？”公权奏曰：“允执厥中。”上曰：“如何是允执厥中？”又奏：“嗣复、李珣既言是奇才，即不合斥于岭外。郑覃、夷行既云是奸邪，亦不合致于近密^④。若且与荆襄间一郡守，此近于允执厥中。”旬日又召对，上曰：“允执厥中，向道也是^⑤。”张遂为郡守。

贾曾除中书舍人，以父名忠，固辞之。言者以中书是曹司名，父之名又同音名别，于礼无嫌。曾乃就职。

开元七年，赐百僚射。金部员外卢虞、职方郎中李□，俱非

善射，箭不及垛而互言工拙。□戏曰：“与卢箭俱三十步。”左右不晓，□曰：“□去垛三十步，卢箭去□三十步。”

李白，山东人，父任城尉，因家焉。少与鲁人诸生隐徂来山，号“竹溪六逸”。天宝中，游会稽，与吴筠隐剡中。筠征赴阙，荐之于朝，与筠俱待诏翰林。俗称蜀人，非也。今任城令厅石记，白之词也，尚在焉。

江西私酿酒法尤严，王仲舒廉察日，奏罢之。

宰相门下省议事，谓之政事堂。永淳中，裴炎为中书令，始移就中书省。政事印亦改中书门下之印。

开元中，花萼楼大酺，人众莫遏。遂命严安之定场，以笏画地，无一辈敢犯。

卢携常题司空图壁云：“姓氏司空贵，官班御史卑。老夫如且在，不用叹屯奇。”

龙朔中，杨思元恃外戚，典选多排斥选士，为选人夏彪讼之。御史中丞郎馀庆弹奏免官。许南阳曰：“故知杨吏部之败。”或问之，许曰：“一彪一狼，共看一羊，不败何待？”

开元皇帝为潞州别驾，乞假归京。值暮春，戎服臂鹰于野次。时有豪氏子十馀辈，供帐于昆明。上时突会，座中有持酒船唱令曰：“今日宜以门族官品。”至上，笑曰：“曾祖天子，祖天子，父相王，临淄郡王李某。”诸辈惊散。上联举三船，尽一巨舰而去⑥。

襄王僭伪，朱玟秉政，百揆失序，逼李拯为内署。拯常吟曰：“紫宸朝罢缀■鸾，丹凤楼前驻马看。唯有终南山色在，晴明依旧满长安。”拯终为乱兵所杀。

武德七年，遣刑部尚书沈叔安，携天尊像赐高丽，仍令道士往彼讲《道德经》。

自先天初至开元十五年，仪同者四人，姚崇、宋璟、王同皎、王毛仲。摇

唐法：亲王食封八百户，有至一千户；公主三百户，长公主五百户，有至六百户。唯太平、相王逾此制。

黄巢入青门，坊市聚观。尚让慰晓市人曰：“黄王为生灵，不似李家。”其悖也如此。

长安令李济得罪因奴，万年令霍晏得罪因婢。故赵纵之奴当干论纵阴事，张镒疏而杖杀之^⑦。纵即郭令之□。

建中末，姚况有功于国，为太子中舍人。旱蝗之岁，以俸薄不自给而以馁终，哀哉！

田神功，大历八年卒于京师。许百官吊丧，上赐屏风茵褥于灵座，并赐千僧斋以追福。至德以来，将帅不兼三事者，哀荣无比。

柳浑旧名载，为朱泚所逼。及克复，上言曰：“顷为狂贼点秽，臣实耻称旧名。矧字或带戎^⑧，时当偃武，请改名浑。”浑后入相，封宜城公，谓之柳宜城。

韦觐著《易蕴》，甚有奥旨。觐，见素孙。

郭令公终始之道无缺焉，惟以譖怒判官张谭，奏杖杀之^⑨，物议为薄。

张巡每战大呼，牙齿皆碎。及败，尹子奇视之，其齿存者不可三四^⑩。初守宁陵也，使南霁云诣贺兰进明乞救兵。进明大宴，不下喉，自啣一指为食^⑪。进明终不应，以至于破。

贞观中，择官户蕃口之少年骁勇者数百人，每出游猎，持弓矢于御马前射生，令骑豹文□，著兽文彩衫，谓之百骑。至则天渐加其人，谓之千骑。孝和又增之万骑，皆置使以领之。

彭偃与朱泚下伪诏曰：“幽囚之中，神器自至。岂朕薄德，所能经营。”泚败偃诛，其妖乱也如此。

大和九年冬，甘露事败，将相弃市。王璠谓王涯曰：“当初劝君斩却郑注，斩之岂有此事也。”此虽临刑之言，然固当矣。

梁祖常言于昭皇^⑫：“赵崇是轻薄团头，于鄂州座上，佯不识

骆驼，呼为山驴王。”遂阻三事之拜。此亦挫韩偓也。

王皇后，开元中恩宠日衰而不自安，一日诉之曰：“三郎独不记阿忠脱新紫半臂，更得一斗面，为三郎生日为煎饼耶？”上戚然悯之，而馀恩获延三载。

武德初，史馆尚隶秘书省著作局。贞观三年，移于门下省北，宰相监修。自是著作局始罢史职。

公孙罗为沛王府参军，撰《文选音义》十卷。罗，唐初人。

开元中，裴光庭为侍中。门下过官，委主事阎麟之裁定，随口下笔。时人语曰：“麟之口，光庭手。”物议丑之。

张延赏怙权矜已，嫉柳浑之守正，使人谓之曰：“相公旧德，但节言于庙堂，则名位可久。”浑曰：“为吾谢张相公，柳浑头可断而舌不可禁。”

王缙在太原，旧将王无纵等恃功，且以缙儒者易之，每事多违约束。一朝悉召斩之，将校股栗。

大历中，陇州猫鼠同乳，率百僚贺。崔佑甫独奏曰：“仁则仁矣，无乃失于性乎！”

李邕自滑州上计也，京洛阡陌聚观，以为古人。盖邕负美名，频被贬斥，剥落在外也。

元德秀，字紫芝，为鲁山令，有清德。天宝十三年卒，门人相与谥为文行先生。士大夫高其行不名，谓之元鲁山。

驸马都尉郑潜曜，睿皇之外孙，尚明皇第十二女临晋长公主，母即代国长公主也。开元中，母寝疾，曜刺血濡奏章，请以身代。及焚章，独“神道许”三字不化。翌日主疾间，至哉，孝子也。

殿中监、少监、尚衣、尚舍、尚辇，大朝会皆分左右，随伞扇立，入阁亦同之。

牛僧孺三贬至循州，本传不言，漏略也。

李景让典贡年，有李复言者，纳省卷，有《纂异》一部十卷^⑬。

榜出曰：“事非经济，动涉虚妄，其所纳仰贡院驱使官却还。”复言因此罢举。

古押牙者富平居，有游侠之才，多奇计，往往通于宫禁。

五月一日御宣政殿，百僚相见之仪，贞元已来常行之，自后多阙。

崆峒山，在松州属龙州，西北接蕃界。蜀破后路不通，即非空桐也^⑭。”

长安中秋望夜，有人闻鬼吟曰：“六街鼓歇行人绝，九衢茫茫空有月。”又闻有和者曰：“九衢日生何劳劳，长安土尽槐根高。”俗云务本西门是鬼市，或风雨晦冥，皆闻其喧聚之声。怪哉！

太和中，程修己以书进见，尝举孝廉，故文皇待之弥厚。会春暮，内殿赏牡丹花，上颇好诗，因问修己曰：“今京邑人传牡丹诗，谁为首出？”对曰：“中书舍人李正封诗：‘天香夜染衣，国色朝酣酒。’时杨妃侍上曰：‘妆台前宜饮以一紫盏酒^⑮，则正封之诗见矣。”

高宗欲废王皇后，立武昭仪，犹豫未定。许南阳宣言于朝曰：“田舍翁购种得十斛麦，尚须换却旧妇。况天子富有四海，立一皇后，有何不可。”上意乃定。吁！牝鸡之孽，洎移土德，过始于南阳。

白乐天之母，因看花坠井。后有排娼者，以赏花新井之作左迁。穆皇尝题柱曰：“此人一生争得水吃。”

张介然，天宝中为尉卫卿，因入奏曰：“臣今三品，合列棨戟，若列于帝城，乡里不知。臣河东人也，请例戟于故乡。”上曰：“所给可列故乡，京城伫当别赐。”本乡列戟，介然始也。

京兆尹黎幹，戎州人也。尝白事于王缙，缙曰：“尹南方尹子也，安知朝礼。”其慢而侮人率如此。

总章中，天子服婆罗门药，郝处俊谏曰：“修短有天命，未闻

万乘之主 轻服蕃夷之药。”

贞元中 ,邕州经略使陈昱怒判官刘缓 杖之二十五而卒。卒之日 ,昱得疾 ,见缓为祟而卒。

韦氏专制 ,明皇忧甚 ,独密言于王琚。琚曰 :“乱则杀之 ,又何疑 ?”

开元中 ,诸王友爱特甚 ,常谓近侍曰 :“思作长枕大被 ,与诸王同卧。”

鄱阳人张朝 ,为猛兽所搏噬 ,其家犬名小狸救之 ,获免。

中书省柳树久枯死。兴元二年 ,车驾还而柳活。明年 ,吕渭以为礼部赋 ,上甚恶之。

卢群昔寓居郑州 ,典贴得良田 ,及为郑滑节度 ,悉召其主还之。时以为美谈。

自贞元来 ,多令中官强买市人物 ,谓之“宫市”。

日本国大臣曰“真人” ,犹中朝户部尚书。

郭代公元振为西凉州牧 ,时西蕃酋帅乌质勒强盛 ,元振为之立语。俄顷雪下盈尺 ,质勒既老久立 ,归而遂死。人谓诡杀乌质勒。

路随孝行清俭 ,常闭门不见宾客。状貌酷似其先人 ,以此未尝视镜。又感其父没蕃 ,终身不背西坐 ,其寝以西首。

南部新书乙

贞元十二年，卢迈丧弟，请出城临。近年宰相多拘守，而迈有此行，时人美之^①。

裴延龄缀缉裴胤所注《史记》之阙，自号小裴。

杨氏于静恭一房犹盛，汝士、虞卿、汉公、鲁士是也。虞卿生知退，知退生堪，堪生承休，承休生岩，岩生郁，郁生覃。覃，太平兴国八年成名，近为谏议大夫，知广州卒。堪，为翰林承旨学士，随僖皇幸蜀，真在中和院。承休自刑部员外郎使浙右，值多难，水陆相阻，遂不归。岩侍行，十六矣我曾门武肃辟之幕下^②。先人承袭，岩已为丞相。及叔父西上，岩以图籍入覲，卒于秀州，年八十馀。今刑部郎中直集贤院侃，亦岩之第三子，郾孙也，蟪之子。司封员外郎蛻，即岩第三子郾之子。郾入京为员外郎分司，判西台卒。侃，端拱二年成名。蛻，淳化三年登科。修行即四季也^③。发碛、收岩、履道，即凭、冰、凝也。新昌即於陵也。后涉入相，即修行房也。制下之日，母氏垂泣不悦，以收故也。

萧氏登三事者多于他族，首于瑀，嵩、华、俛、仿、寘、邁、颀次之。

贞元十二年，天子降诞日，诏儒官与缙黄讲论。初若矛盾相向，后类江海同归。三殿谈经，自此始也。

韩皋自京尹贬抚州司马，召左执金吾凑于延英，面受京尹，便令视事，时尚未有制。

金銮殿始立于金銮坡，至朱梁始改为金銮殿焉。

开元中,笔匠者名铁头,能莹竹如玉,人莫传其法也。

妇人之贵,无出于苗夫人,晋卿之女,张嘉贞之新妇,延赏之妻,弘靖之母^④,韦皋外姑。

王徽为相只一日。中和五年二月,除昭义节制,徽上表乞免,词曰:“六年内署,虽叨捧日之荣;一日台司,未展致君之恳。”后萧寘拜相,度降麻日薨。陆希声登庸,未上弃世。今徽之曾孙平叔,见任礼博。希声之子宾于,终于殿省。

凡中书有军国政事,则中书舍人各执所见,杂署其名,谓之五花判事。其舍人中选一人明练政事者,专典机密,谓之“解事舍人”。

开元中,将军宋清有神剑,后为瓜州牧李广琛所得。哥舒翰知而求之,广琛不与,因赠诗曰:“刻舟寻已化,弹铗未酬恩。”

永徽元年五月,吐火罗国遣使献大鸟。高七尺,其足如驼,鼓翅而行,日三百里,能啖铜铁,夷俗呼为驼鸟。

贞观二十三年,始改治书御史为御史中丞。其年亦改诸州治中为司马,礼部郎为奉礼郎。

仪凤二年,长安光宅坊掘得石函,函之内有佛舍利万馀粒。

贞元十二年,上宴宰相于麟德殿之东亭。令施屏风于坐位之后,画汉魏以下名臣,并列善言美事。

永徽五年,吐蕃献大拂庐^⑤,高五丈,广二十步。

祖咏试《雪霁望终南诗》,限六十字。成至四句纳主司,诘之,对曰:“意尽。”

咸通九年正月,始以李赞皇孙延古起家为集贤校理^⑥。

诸名族重京官而轻外任,故杨汝士建节后诗云:“抛却弓刀上砌台,上方楼殿窳云开。山僧见我衣裳窄,知道新从战地来。”又云:“如今老大骑官马,羞向关西道姓杨。”

贞元十四年,初令金吾不要奏朝官相过,从张建封奏也。

旧皆传呼,贞观十年,马周奏置街鼓以代。传呼自此而罢。

永徽五年八月 蒋孝璋除尚药奉御员外。置同正员员外官，始自此。

贞元后，每岁二月八日，总章寺佛牙开，至十五日毕。四月八日，崇圣寺佛牙开，至十五日毕。此牙即□吒太子上宣律师者。

进士春关，宴曲江亭，在五六月间。一春宴会，有何士参者，都主其事，多有欠其宴罚钱者，须待纳足，始肯置宴。盖未过此宴，不得出京，人戏谓何士参索债宴。士参卒，其子汉儒继其父业。南院驱使官郑熔者，知名天下，后亦官至宣州判司。故宛陵王公凝判鹺，充职，得朝散阶。如郑熔与何士参及堂门官张良佐，皆应三数百年在在于人口。

李林甫开元初为中允，时源乾曜为侍中，是中表之戚，托其子求司门郎中。乾曜曰：“郎官须有素行才望高者，哥奴岂是郎官耶。”数日除谕德。歌奴，林甫小字。

明皇末年在华清宫，值正月望，欲夜游，陈玄礼奏曰^①：“宫外即是旷野，须有预备。若欲夜游，愿归城阙。”

大历中，禁屠杀，而郭子仪隶人杀羊，裴□尹京具奏之。或言郭公有社稷功，岂不为盖之。裴笑曰：“非尔所解^②，郭公权太盛，上新即位，必谓党附者众。吾今发其细过，以明其不弄权，用安大臣耳。”人皆是之。□五世为河南尹，坐未尝当正位。

贞元十二年，始置掖庭局令。

吏部有四拗，冬纳文书之始，却谓之选门闭。四月秋省事毕，反谓之选门开。选人各在令史门前，谓之某家百姓。南场判后，状却粘在判前。

韦皋见辱于张延赏，崔圆受薄于李彦允，皆丈人子□。后韦为张西川交代，崔杀李殊死。

赵光逢有时称，谓之“玉界尺”。

郑滑卢宏正尚书题柳泉驿云：“馀自歙州刺史除度支郎中，八月十七日午时过永济渡却。自度支郎中除郑州刺史，亦以八

月十七日午时过永济渡。从吏部郎中除楚州刺史,以六月十四日宿湖城县。今年从楚州刺史除给事中,计程亦合是六月十四日湖城县宿。事虽偶然,亦冥数也。”

韩偓,即瞻之子也,兄仪。瞻与李义山同年,集中谓之韩冬郎是也。故题偓云:“七岁裁诗走马成。”冬郎,偓小名。偓,字致光。

王右丞善琵琶,贾魏公善琴,皆妙绝一时。

李邵除贺州^⑨,人言不熟台阁,故著骰子选格。

贞元二年,以右常侍于□为左千牛卫上将军,少府监李忠诚为千牛卫上将军,司农卿姚明扬为右领军大将军,右庶子裴□为右千牛卫大将军,参用文武也。

韩滉,浙西统制一方,颇著勤绩,晚途政甚苛惨,亦可惜也。

咸通九年,刘允章放榜后^⑩,奏新进士春关前,择日谒谢先师,皆服青襟介帻,有洙泗之风焉。

长安四月以后,自堂厨至百司厨,通谓之“樱笋厨”。公□之盛,常日不同。

每岁寒食,荐饧粥鸡球等,又荐雷子车。至清明尚食,内园官小儿于殿前钻火^⑪,先得火者进上,赐绢三疋,碗一口。都人并在延兴门看人出城洒扫,车马喧阗。新进士则于月灯阁置打球之宴,或赐宰臣以下醪醑酒。即重酿酒也。

贞元中,蔡帅陈仙奇于李希烈庭中得钱一文^⑫,大小如开通之状,文曰“天下太平”。

自唐初来历五院惟三人,李商隐、张延赏、温造。五院谓监察、殿中、侍御史、中丞、大夫。

贞元十八年五月,以祠部员外郎裴秦检校兵部郎中兼中丞安南都护本管经略使,殊拜也。

顾况志尚疏逸,近于方外,时宰招以好官,况以诗答之云:“四海如今已太平,相公何用唤狂生。此身还似笼中鹤,东望瀛

洲叫一声。”

贞元初，山人邓思齐献威灵仙草，出商州，能愈众疾。禁中试有效，特令编付史馆。

贞元十七年，翰林待诏戴少平死，十六日复生。

宋祁为补阙，与同省候李崖州，而笑语稍闻，浹旬除河清令。

长安举子，自六月已后，落第者不出京，谓之“过夏”。多借静坊庙院及闲宅居住，作新文章，谓之“夏课”。亦有十人五人，酹率酒馔，请题目于知己朝达，谓之“私试”。七月后，投献新课，并于诸州府拔解。人为语曰：“槐花黄，举子忙。”

郭幼明，子仪之母弟，无学术武艺，但善饮酒，好会宾客而已。卒亦赠太子太傅。

孔巢父使田悦，谓之曰：“不早归国，为一好贼尔。”悦曰：“为贼既曰好贼，为臣当作功臣。”

开元天宝间，有内三司，置于禁中，内职有权要者掌之。天下财谷著之簿间，毫发无隐。

韦贯之及第年，建议曰：“今岁有司放榜，春关以前，请以新及第为名。”至今不改。

韦肇初及第，偶于慈恩寺塔下题名。后进慕效之，遂成故事。

令狐楚久为太常博士，有诗云：“何日肩三署，终年尾百僚。”

梁祖欲以牙将张延范为太常卿，诸相议之。裴枢曰：“延范勋臣，幸有方镇节督之命，何籍乐卿？恐非梁王之旨。”乃持之不与，裴终以此受祸。

岁除日，太常卿领官属乐吏并护僮侏子千人，晚入内。至夜，于寝殿前进雉。然蜡炬，燎沉檀，荧煌如昼，上与亲王妃主已下观之，其夕赏赐甚多。是日，衣冠家子弟多觅侏子之衣，着而窃看宫中。顷有进士臧童者，老矣，偶为人牵率，同入其间，为乐